

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzvei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauhokbanj: CN45-0036

B.2023

Nd.8

Ng.30

Liggaeuq gveijmaux nienz ndwencaet cibngux

Geizsoq: Gungh daih 3587 geiz

Guek Raeuz Yaek Daj Bet Fuengmienh Bauj Hawj Guekgya Haeuxgwn Ancienz

我国将从八方面保障国家粮食安全

Sinhvazse Baekging 8 nyied 28 hauh dien
Aen baugau gvendaengz hongsaeh bauj ndei guekgya haeuxgwn ancienz duh Gozvuyen 28 hauh daezcingj Gaiq Cibseiq Daengx Guek Yinzda Cangzveijvei Baez Hoih Daihhaj saemjlnh. Aen baugau neix daezok, yaek daj 8 fuengmienh bauj hawj guekgya haeuxgwn ancienz, baudaengz gyaak bonjsaeh caeuq laeb ndei aen dihi bauj hawj haeuxgwn ancienz, hai rengz hung bae au reihnaz cwk haeux, gaenxmaenx doihaej baengh gohgi dem haeux, lai roengzrengz bae haeujcoengh baujhoh nungzyez, cietsaed gyaak bonjsaeh diuzgung haeuxgwn, gyavaiq cauhaeb aen dihi canjnieb haeuxgwn caeuq aen dihi riuzdoeng haeuxgwn ciuhneix, mbouj dingzduenh bae gyaak bonjsaeh gunghawj gijgwn laiyingh, haeujlaeg bae mbaetyungh caeuq gemjsied haeuxgwn daengj.

Aen baugau neix vixok, geij bi neix doxdaeuj, guek raeuz swnghcanj haeuxgwn fatmaj onjdangq, hawciengz gunghawj gaeuqget, yinhhengz cungjdaej bingzonj, gij bonjsaeh fuengzre vaqgej fungyiemj diuhcan hungnaek de mboujduenh gyaak, gij suijbingz bauj hawj haeuxgwn ancienz de gyaak lai raeuh. Gij canjlieng haeuxgwn guek raeuz lienzdaemh 8 bi onj miz 1.3 fanh ik gaen doxhwnj, bi' gvaq haeuxgwn canjlieng 13731 ik gaen, guh reih guh naz moix moux ndaej haeuxgwn 386.8 goenggaen, song yiengh neix faenbied beij bi' gyai gyalai 498 ik gaen, 13 goenggaen; suenq daengz gyauejvunz moix boux miz haeuxgwn 486.1 goenggaen, sang gvaq diuzsienq haeuxgwn ancienz 400 goenggaen daengx seiqgyaiq cungj nyinh de.

Bauj hawj haeuxgwn ancienz dwg yiengh hongsaeh ciengxlwenx au guhnde. Aen baugau

neix lwnh vunzlai rox geij bi doxgyawj neix guh maz hongsaeh daeuz bauj hawj guekgya haeuxgwn ancienz caeuq guh baenz maz saeh, caemh gijneix de hix vixok guek raeuz bauj hawj haeuxgwn ancienz cix bungzdaengz maz vwndiz caeuq fungyiemj daeuz. Naemjngeix hongsaeh bauj hawj guekgya haeuxgwn ancienz, aen baugau neix daezok, yaek ciuq gij gezcwz baijbouh Dangj-cunghyangh bae guh, seizseiz naemj daengz daejsienq, lai rox youheiq, lai ok banhfap, doengbuenz bae nda hong guh saeh, daj gak fuengmienh bae cuknet aen goekdaej haeuxgwn ancienz, lai roengzrengz vaqgej gij yingyangj mbouj leih youz aen hawciengz haeuxgwn daengx seiqgyaiq yinxhwnj, laemxsim dawzmaenh diuz daejsienq guekgya haeuxgwn ancienz.

(Yenz Fugingj Yi Gingzyenz)



Yungzsuij:

Diufoux Ndeiyawj Hawj Gak Minzcuz Lai Ndei Doxcunz Doxhag Doxgyaux

融水: 多彩舞蹈助“三交”

8 nyied 28 hauh, Yungzsuij Myauzcuz Swciyen Bwzyinz Yangh Davanh Cunh Mbanj-gveihcwng banh yienghsaeh “caet cibngux” doxhag diufoux. Neix dazyinx 16 aen doih-diufoux daj yanghein doxgyawj daeuj caeuq-faenh yienghsaeh neix. Gyoengqvunz gak minzcuz angq diufoux ndeiyawj, baij ndangdaenj gyaunde, lwnh vunzlai rox gyoengqde gyaenz yiengh saedceij vuenyungz neix lailai, coi hawj gak minzcuz lai ndei doxcunz doxhag doxgyaux. Ndaw doz dwg gyoengq sau Myauzcuz diufoux.

(Lanz Gunh/兰堃)

Gih Raeuz 4000 Lai Boux Ndaej Daegdaengq Baij Bae Guh Hongsaeh Gohgi “Caem” Daengz Daej Fugsah Vunzlai

我区 4000 多名乡村科技特派员下沉一线服务

Ciuq bouxdangrap Swcigih Gohgidingh lwnh gou, daj bineix doxdaeuj, gih raeuz 4000 lai boux ndaej daegdaengq baij bae guh hongsaeh gohgi de lienzdaemh haeuj lajmbanj roengz reih roengz naz bae fugsah vunzlai guh hongsaeh gohgi. 1 daengz 6 nyied, daengx gih doengh boux ndaej daegdaengq baij bae guh hongsaeh gohgi de gyonjsuenq miz 8.13 fanh ngoenzbaez saeddieg guh hong fugsah gohgi, sonlien 25.64 fanh vunzbaez hagrox gohgi, fugsah

9331 aen cunh(segih)、19274 aen dieggoek(giz). Guh hongsaeh fugsah gohgi nangqdaengz gij canjnieb nungzyez daeuz daengx gih daegbied dwg gij canjnieb laiak miz daegsaek caeuq gij canjnieb guhdaez “5+2” laeng yienh duetgungz.

Ndaejniy vnz lwnh, doengh boux ndaej daegdaengq baij bae guh hongsaeh gohgi yawj nungzminz siengj guh maz caeuq caengzdaej lajmbanj yaek gajgez maz vwndiz cix bae guh

hongsaeh, vih nungzminz caeuq giyez guh yiengh fugsah cinjdeng lumj “dinghdan” baenzde. Caemhseiz, yungh ndei aen bingzdaiz fwj fugsah gohgi lajmbanj laeng Gvangjsih, doiq seiz bae fat gij siusik gunghawj baudaengz binjcungj maenhndei, gisuz dajndaem dajciengx ndei, gisuz gyagoeng doxgaiq nungzyez daengj, vih nungzminz caeuq giyez guh yiengh fugsah lumj “danbyaek” baenzde.

(Lij Sinhnyungz)